

元始无量度人上品妙經卷之四十四

洞神禳災品

道言昔於太極天中青華安保大真明士受靈寶度人洞神禳災无量上品扶桑洞神大道君當說是經周迴十過以召十方扶桑世界一切真仙巨太極之東九十萬里碧海之內中有大山根連洞冥金沙重疊貫軸下元上出太无紫空神境西連太極南峙炎陵北定幽門中通玄都而此世界十萬餘里神峰巨嶺隱顯滄浪梵浮瑞光青霞之氣霧縹在上青玉爲城碧林爲宮地凝紺華拱生扶桑根蟠東極枝條相向青碧爲光千葉之上自然天文帝真赤書九氣鳳文以鎮十方諸天日月下出陽

道藏輯要

度人妙經

哭

九集二

機自運晝夜六時天漢波潮雲濤爭湧仙都人民十二品格百千種物太无三氣化生號青宮扶桑世界元始天尊分神萬天散形千億忽於此方命以扶桑之天青華道境靈曹孕精挺生空洞之極號扶桑洞神大道君外曰扶桑大帝出納太陽寶錢濛汜真形爲日月之魂魄爲南極長生大帝其季次曰青華帝君扶桑育洞神之氣氣變九劫體貌完具東真道職爲洞神大道君扶桑洞神者九陽真精之氣也生於扶桑之內化爲劫火更爲明哲辯慧高聖之德德之至神爲大道之君道君執萬物之母以化生元胎含五行之精以鑪錘天地世之災變必由火殃火爲災本而道有扶桑洞神之祖以御其變扶桑青林之氣

大則治鍊真文增益玄道小則禳災散禍福祐羣生比之火然
必緣於木木胎藏火火屬於神神養木中天災自息可禳之道
故扶桑洞神大道君爲禳災之主也降於太極始當詣座扶桑
真境道德大神上聖高尊青帝真人无鞅數眾乘空而來碧落
飛雲青林鬱秀飄輪潛運洞蓋垂華蒼龍妙光迢遙无外流霞
丹景混合渺茫七日七夜諸天昭臺日館星闕璣轅一時停軌
靈風遠溢海岱明雲天无異色九氣鬱清一國地土山川林木
瓊藥粲芳青文龍起紫璆振響合音空洞扶桑洞神大道君於
玄靜之中爲諸生民解禳災厄玄坐空浮紫霄寶光玉座之上
說經一徧諸天大聖同時稱善是時一國男女災病普皆消散
道藏輯要

度人妙經

咒

九集二
X上三

說經二徧太極天開萬真同會說經三徧仙都揚烟慶周二界
說經四徧靈心內通宛識妙體說經五徧龍鳴海空神波遠浹
說經六徧三災不作萬物生榮說經七徧神輝同映層闕光明
說經八徧五篇雲篆紫籙成音說經九徧玉華飛空重綵交煥
說經十徧洞神垂照泉曲蒙恩是時一國是男是女莫不傾心
皆受護度咸得長生

道言是時扶桑洞神大道君說經一徧東方无極无量品禳災
解厄洞神至真大神无鞅之眾浮空而至說經二徧南方无極
无量品禳災解厄洞神至真大神无鞅之眾浮空而至說經三
徧西方无極无量品禳災解厄洞神至真大神无鞅之眾浮空

而至說經四徧北方无極无量品禳災解厄洞神至真大神无
鞅之眾浮空而至說經五徧東北无極无量品禳災解厄洞神
至真大神无鞅之眾浮空而至說經六徧東南无極无量品禳
災解厄洞神至真大神无鞅之眾浮空而至說經七徧西南无
極无量品禳災解厄洞神至真大神无鞅之眾浮空而至說經
八徧西北无極无量品禳災解厄洞神至真大神无鞅之眾浮
空而至說經九徧上方无極无量品禳災解厄洞神至真大神
无鞅之眾浮空而至說經十徧下方无極无量品禳災解厄洞
神至真大神无鞅之眾浮空而至十徧周竟十方无極禳災解
厄天真大神一時同至一國男女傾心歸仰來者如赴淵之流

道藏輯要

度人妙經

辛

九集二

應潮之水渺然無際不見端倪无鞅之眾舉國內外或有體用
未分因緣爲災智慧不爽法染爲災神氣不合分別爲災道性
不明執妄爲災去取空有邪正爲災戀著法身認已爲災貪著
神通變幻爲災欲出三界生死爲災識悟大道无作爲災測量
元化狂瞽爲災不知洞神陰陽爲災出入胎藏凡聖爲災凡此
十二大災天人大神至學之災也復有世間之災出胎之時業
力所轉橫側爲災童孺之時驚忤爲災壯歲之時運度爲災營
辦之時得喪爲災修舉之時氣候爲災起居之時疾病爲災有
作之時鬼神爲災昧心之時天地爲災負國之時刑戮爲災不
孝之時雷火爲災不戒之時天禁爲災汙慢之時天折爲災潛

毒之時陰陽爲災貪徇之時溢分爲災居世之時僞薄爲災凡此十五大災世所罹犯以至身命喪失五命加臨天星爲殃地司執錄三官上奏五帝注尤此等災厄累繫身心咸赴道君廣大法席周帀圍繞瞻望天顏佇聽玉音宣示禳災普利大法於是扶桑教主洞神太上大道君攬日月雲龍之綬轉瑞玉明光之几俯顧大眾欣眄十方條欵之間分身千億一切眾生各起生緣及諸境界一 眾生皆見已身親對聖身長跪受記撫頂訓言演說扶桑爲生氣之根中生洞神之氣爲萬類之精神一切大災存念洞神正真九陽之光无災不除滌滅厄害於其會中見一道君浮坐紫雲曲蔭扶桑玉章紋葉之下洞神之氣化

道藏輯要

度人妙經

卷一

九集二

爲丹林丹林千真冠劍竦列去地五丈洞神大道君登引禳災解厄洞神天真大神韓司主錄南宮移度卻災順行神君上聖高尊青華耀寶真人十方无極至真大神无鞅數眾俱入神林扶影之內天人仰看惟見勃勃從洞光中入旣入林光不知所入國人廊散碧壘砥平神林靜默洞神大道君卽於化境之內說經都竟眾真監度以授於我當此之時喜慶難言法事粗悉諸天復位空洞生神寂无遺響是時天人遇值經法普得濟度全其本年无有中傷傾土歸仰災患消禳清靜本心心旣淨正邪道不干星軌凌犯鬼神禍刑三災四殺五行六害七傷八難九厄過度災咎除滅不祥言契中道中无毀非齊同慈愛異骨

成親國安民豐欣樂太平經始出教一國以道預有至心宗奉
崇禮皆得度世

道言洞神大道君說經中所言並是諸天上帝禳災致福隱韻
之音亦是魔王內諱禳消萬災之隱名也非世之常辭上聖已
成真人通玄究微能悉其章誦之十過諸天降真災氣沈滅厄
禍擯竭本命開光生福自然天真警備非道无干羣仙凜顏靈
司鼓節灝霞分絢寶海發光世故殄除惡烟飄息回災轉厄進
業成真至學之士誦之十過則列帝同格歟天遐映護世災殃
悉令禳解民物安謐生道永昌毒害消散鬼精喪服五帝侍近
三界稟命濟度垂死絕而得生所以爾者學士道德充備鬼神

道藏輯要

度人妙經

卷

九集二
八十八文

尊仰體洞真極神力周滿誦詠至經福降災消一切眾生禳脫
眾難玄通天政伏御地祇束縛魔靈不但卻死亦能更生輕誦
此章身則被殃供養尊禮門戶興隆世世昌熾與善因緣萬災
不干神明護門斯經尊妙獨步玉京度人无量爲萬道之宗巍
巍大範德難可勝

道言凡誦是經十過九天消災散禍諸天大神齊到禳除厄難
暗宿陰曜玄天神首孛戾凶怪將臨命限齋心祈懇永斷衰殃
數極劫終魂神受度上昇朱宮格皆九年受化更生得爲貴人
而好學至經功滿德就皆得神仙飛升金闕遊宴玉京也上學
之士修誦是經惠澤滋洋生類蒙福重災巨厄清蕩捐釋皆卽

受度飛昇南宮世人受誦則延壽長年後皆得作尸解之道洞
神火精鍊骨變仙形神隱顯出入自在棲泊福庭逍遙道域卽
得返形遊行太空此經微妙普度无窮一切天人莫不受慶无
量之福生死蒙惠上天所寶不傳下世至士齋金寶效心盟天
而傳輕泄漏慢殃及九祖長役鬼官侍經五帝玉童玉女各二
十四人營衛神文保護受經者身

道言正月長齋誦詠是經解禳上世亡魂塚訟鬼官臨注之災
斷滅殃傳夜河之役度上南宮七月長齋誦詠是經解禳已身
天羅地網九橫凶醜天獄刑害之厄身得神仙諸天書名黃錄
白簡削死上生十月長齋誦詠是經解日月勃蝕天地運否邪

道藏輯要

度人妙經

卷三

亢集二
八上八

源祇孽境土國界之災人民毒疫傷犯天絕爲國王帝主君臣
父子安鎮國祚保天長存世世不絕常爲人君安鎮其方民稱
太平八節之日誦詠是經解禳氣數遷易交變時節之災口舌
罪咎禁繫殺傷之厄水火窮衰閉塞之難九宮降神下衛其身
本命之日誦詠是經解禳北斗追召生魂死注坎蹇窘辱之災
魂神澄正萬氣長存不經苦惱身有光明三界侍衛五帝司迎
萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外翳冥有青龍白虎朱雀玄武獅子白鶴羅

列左右日月照明洞煥室內十方禳災洞神大神儼對前後
項生圓象光映十方如此分明密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引炁三十二過東向誦經

道藏輯要

度人妙經

卷

九集二

正一天師清微弟子共百堅製作

道教學術資訊網站

元始无量度人上品妙經

元始洞玄靈寶本章洞神禳災妙品天福度人百魔隱韻離合自然洞神赤文无无上真元始祖劫化生諸大青華木真萬物生根生氣流布精液氤氲木之尊神元氣之子氣生真水水變生木木含青華之氣爲萬物之主其青華木精中含明性化而爲火火色赤明通妙成真自然生神體洞太虛解悟誠明其氣長生炎動熒熒名曰洞神洞神至真物得生成一切邪殃見之悉甯爲道真體災凶邪僞莫可禦當地有五金得火見精萬物入火變化无方易骨登玄思妙全天理臻又玄如世災殃非正之歸洞神乘之萬災折摧洞神九陽生福无量得者長存物感

道藏輯要

度人妙經

卷

九集二

永臧神風揮激丹霞飄揚屈曲成文三景同光禳災護生刻榜瓊堂上通三天无无道鄉下極玉山鬱羅混黃中施羣類救禳災殃嚙佩神文引吸太陽紫烟內凝燦灼煒煌爲道之要超升之門天真之因化生神靈制運保民皆由洞神神氣大梵周迴十方中有禳災回福之神滅禍延生之君洞神解厄尊神東華度命之君太皇萬福丈人中有扶桑定命除災之神消災散禍道德之君禳祈應契无量度人今日校錄諸天臨軒

東方无極洞神禳災神王長生大聖无量度人

南方无極洞神禳災神王長生大聖无量度人

西方无極洞神禳災神王長生大聖无量度人

北方无極洞神禳災神王長生大聖无量度人
東北无極洞神禳災神王長生大聖无量度人
東南无極洞神禳災神王長生大聖无量度人
西南无極洞神禳災神王長生大聖无量度人
西北无極洞神禳災神王長生大聖无量度人
上方无極洞神禳災神王長生大聖无量度人
下方无極洞神禳災神王長生大聖无量度人

十方洞神禳災神王長生度世无量大神並乘飄輪回旋耀景
之輿丹瓊雕輦華蓋珠旛驂駕龍鳳十絕九光之幢四氣八景
明離之帳前嘯梵音齊唱後吹瓊籟同鳴金鶴丹禽嘯歌囉囉

道藏輯要

度人妙經

卷

元集二
X X 11

六甲啟道九老翼轅億乘萬騎浮空而來傾光回駕監真度生
諸天丞相南昌上宮司命司錄禳災散禍延壽益算度厄尊神
執錄把籍齊到帝前隨所應度嚴校諸天普告三界无極神鄉
泉曲之府北都羅酆三官九府十二河源行災主瘟天大殺鬼
冥曹之神禳免世間生類刑禍衰虛之災改易簿書勾落災祥
使生常存福慶日增疾除罪釁落滅惡根不得拘留逼合鬼羣
道君符命時刻升遷順剛入斗迴度天關出死入生上見帝宸
制魔保舉度品南宮魂魄受鍊災消福應生身受度劫劫長存
隨劫輪轉與大齊年永度三塗五苦八難超凌三界逍遙上清
上清之天天帝玉真无色之境梵行

東方八天

玉歷玄度天

帝真定儀陽

錫納慶祖天

帝仇辨嬰常

九氣敬賢天

帝收提耿光

青華利元天

帝字蒲耳敦

韓都九司天

帝旺池笑銘

部同超後天

帝鄙宗時隆

丹林隱立天

帝僑蹤彥松

九色剛種天

帝月支子容

南方八天

道藏輯要

度人妙經

卷

元集二

耀浮壇寓天

帝景肇建生

重光普時天

帝玉微觀靈

洞極丹儀天

帝祖奇歸仁

正基太度天

帝除思步肱

辨阿錄成天

帝感儀聰

玄殊惠凝天

帝彥侶馮靈

九陽歷靖天

帝路軻師陰

章梵元淨天

帝伍邱思全

西方八天

參寂玄際天

帝大无元

兆津普夷天

帝師度歌延

妙瑜素靈天

帝順師洞陰

金扉皓墟天

帝藻辭願晡

洞惠明妙天

帝根齊疎袞

招眞空碧天

帝蟠東枝傾

國定慶基天

帝浪敷由央

皇思時龍天

帝夢元夷玄

北方八天

道力宏度天

帝學務演直

豫懌玄明天

帝長善珉

道藏輯要

度人妙經

卷

九集二

助極德契天

帝景章融妃

九素思玄天

帝洞覺耀眞

潛耀承光天

帝軸羅用崔

太元崇構天

帝臺淵奔施

皓幾宗神天

帝鹿杜冥樞

幽寶遼期天

帝月上眞

三十二天三十二帝諸天隱諱諸天隱名洞神梵氣自然靈章
諸天隱韻洞神之音洞神之尊洞神之神洞神大魔洞神之靈
性和神合變化上清元量之奧深不可詳敷落神眞普度天人
今日欣慶受度禳災去非太上考按宿舍回軒黑道百試血火

千殃災及世間鬼謀福怨誣成巨災歷關諸天請滅五苦勅斬
五衰飛步天垣命據九元害氣永滅道君錫年洞神降精想入
天門東斗校錄西斗攝靈北斗禳解改易災名南斗符命赤書
護身中斗注壽大福總靈青帝保命白帝遏殃赤帝度錄黑帝
釋禳黃帝營衛福慶煌煌青天大神使災不生赤天大神咒詛
不成白天大神喪害潛形黑天大神清蕩鬼營黃天大神靈圖
鎮真內安五臟外集百神靈文玉章元氣之根禍難撲滅光明
赫升五天大神萬鬼之君飛行空界總領鬼兵麾幢鼓節遊觀
九冥朱幡赫奕紫氣輝騰諸天改度災變福臻上天度人嚴攝
北酆洞神太上普掃災凶八威攝氣猛馬四攻天丁捕鬼大帥

道藏輯要

度人妙經

五

九集二
ノ三三

縛龍擲火萬里流鈴八衝敢有干試妄爲眾災北帝漂骨南斗
焚骸屠割鬼爽誅斬無偕風火浩浩豁落燒摧千千截首萬萬
剪形魔無干犯鬼無祆精三官北酆明檢鬼營不得容隱金馬
驛呈普告無窮萬神咸聽三界五帝列言上清
元洞青華氣結碧霞曲扶神桑紫文雲芽木神爲生生道爲春
化物之祖洞神之尊洞神陰火制鍊陽魂人物遇之卽成仙真
允被世災邪回所興心能契真禍散消雲洞神吐氣不祥如焚
生福之源玉京玄山左淨右靈金液玉泉巍巍九天氣入重玄
玄道無色玄下無淵風澤洞虛玄中有天天上天下無幽無冥
無形無影無極無窮溟滓大梵遼廓無光當爾之時孰爲遮災

赤明開圖萬象克諧善集成福積惡成災災福之肇皆心所生
道體無形道心無爲無形無爲福災何媒洞神道君至慈運悲
回災就福護生不遺五篇玉字八威龍文禳革故氣延算遠期
保制劫運使天長存梵氣彌羅萬災伏藏元綱流演三十二天
輪轉無色周迴十方斗中司命注福除殃神氣運行三十五分
總氣上元八景冥合氣入玄玄玄中太皇上帝高真手把混元
禳災寶符坐鎮明堂泛景太霞嘯咏洞章金真朗郁流響太微
祆星順度攝制祆氛白烟左回紫氣右歸化生玉儀千和萬合
自然成真真中有神扶桑碧宮洞神道君萬氣之祖長生大君
首建青霞身御錦紳無英公子白元尊神太一注筆桃康俯庭
道藏輯要

度人妙經

卒

元集二
八二八

執符把籙保命生根上遊上清出入華房八冥之內細微之中
下鎮人身泥丸絳宮中理五氣混合百神十轉回靈萬氣齊仙
仙道貴生禳斥災氛神視天門奄見皇君授子密語自識天真
罪福禁戒宿命因緣普受開度洞神生身身以道生上聞諸天
諸天之上永滅災因中有空洞謠歌之章三真靈篇辭參高真
第一洞神道君禳災致福天市順度之書

煌煌磊落

明威八回

下照世間

萬類所歸

順度則吉

逆天見衰

再拜金色

願應禳祈

災害不生

道德巍巍

仙道無休否

鬼道論興衰

何不觀太無

靈妙氣昭瓘

炯炯碧空上

玉闕雲烟飛

仙人挹香風

嬰顏等春回

洞神變青芽

嚙餌光徘徊

庶使扶桑道

鳳章藹清微

下憫朝生徒

亶亶輪轉間

不知洞神旨

躅躅拘籠樊

騁霄翬高靈

偶景東華山

第二洞神道君禳災致福太微空洞之章

碧光流映

金闕朱軒

燦燦星株

雲網繞天

繁秀貫珠

遲伏見災

留逆殃延

我有赤文

靈圖寶躔

道藏輯要

度人妙經

空

亢集二

交綱合形

禳災赦愆

太上所祕

萬劫一傳

洞神元皇

冒禁下宣

霞章吐麗

丹書寫玄

除世厄尤

延道永年

扶順帝道

億劫無遷

連閣龍居

金光蜿蜒

吐火激波

蕩滌魔冤

與道冥一

三界列言

過度八難

氣入自然

第三洞神道君禳災致福紫微伏魔之歌

圓景蕩蕩

金馬四馳

瓊車空遊

日將月隨

部衛萬神

三官拱儀

世有災數

水火陵夷

九六終窮

交換坎離

九靈鼓翮

龍驛轉機

兵刀雨暴

殺氣橫陂

災惡見象

赤書布施

五帝執筆

四明捕非

祆氛淨蕩

福德洪采

帝壽萬年

巨民燕頤

荒服衍歌

慶善襲之

我歌洞文

丹輿綠雲

寶傘吹華

神風杳芬

紫宸周行

三台屏伸

浩氣臨斗

流鈴鍊真

宸霞九色

太素之君

道藏輯要

度人妙經

卷一

九集二

此三真太上洞神道君分化法身遊行太空禳災萬福之音音
參洞章誦之百遍名度南宮誦之千遍魔王保迎萬福道備飛
昇太空過度三界位登仙公有聞靈音魔王敬形勅制地祇侍
衛送迎拔出地戶五苦八難七祖升遷永離鬼官災咎無留命
福駢臻是謂無量普度無窮有祕上天文諸天其所崇泄慢墮
地獄禍及七祖翁

道言此二章並是諸天上帝及禳災真王隱祕之音皆是大梵
之言非世上常辭言無韻麗曲無華宛故謂玄奧難可尋詳上
天所寶祕於玄都紫微上宮依玄科四萬劫一傳若有至人齋
金寶質心依舊格告盟十天然後而付焉

道言夫洞神禳災之法其道至妙自非體玄究微不能悉知天人之災者運度否終日月虧盈聖神休否末學疾傷凡有此災同氣皆當齊心修齋六時行香十徧轉經福德立降消諸不祥無量之文普度無窮

道言禳解種民之災或數窮命盡禳却不祥者或末學道淺仙品未充運應滅度身經太陰臨過之時同學至人爲其行香誦經十過以度屍形如法夫如法者爲禳世災不逮更禳歿後之災也今旣身沒魄逝而尙謂之災者謂水火之獄金鐵之獄考掠追召囚閉之災亦魂爽地下之災則於山水間寂之地封土爲壇北向祈啟敷露五方真文玉書修齋誦經以解魂神逕上

道藏輯要

度人妙經

卷

九集二
X481

南昌隨其學功計日而得更生轉輪不惑便得神仙

道言夫天地運終星宿錯度日月失昏四時失度陰陽不調國主有災兵革四興疫毒流行兆民死傷師友命過皆當修齋行香誦經以五帝赤書五方靈文丹書碧素向方火而颺之以柏木爲簡丹注其意禳解之文投山水間埋著向處及有災之境則洞神大神收攝災氣降致福祥夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得爲

聖君金闕之臣諸天記人功過毫分無失天中魔王亦保舉爾
身得道者乃當洞明至言也

諸天中大梵隱語無量音 道君譔

扶桑洞神大道君禳籙靈書中篇

東方八天

箕鳴玉草 東井變仙 牛室互交

六氣辨玄 離披寶泰 玄躅迷夷

諸羅梵摩 陳帑萬微 馘竺由慈

字盼紛持 角卓護景 月帝陰霏

辜乾擊隨 變覺銘儀 仙榔說林

道藏輯要

度人妙經

卷

亢集二

翼原巒微

南方八天

正坤九辨 巴冥混東 紫邱適河

寂真相同 梵度遼普 金極洪壠

肇淨平育 阿彌思蒙 挺洞赤霞

晶晶碧容 桓羅閭救 率宰營忠

肆碑詩何 竟卓懋春 公建霜緣

哨粵垂雄 鬼澤龍偃 定白祕玄

學靈鄙露 文騫走檀

自鬼字四 四句係禳災密文

西方八天

奎婁應仙

旗高步蓮

綽真構攤

景復滋堅

太香玉度

球浪楚傳

牛室事無

寶秤默云

神諦梵敷

青朗奏矜

龍霧侔就

丹蠶淵弘

普載丁琥

驥勅揚誠

覽覺垌常

狐兵資興

北方八天

鬱儀結璘

飲聖功傳

朗都究明

道伯攸玄

爻宜轉綱

權融齒房

道藏輯要

度人妙經

奎

九集二

玉邈稽微

天魁迪延

畢老墟圩

景霽洞傷

陽復雷捷

越達聿蒼

蘇林奚充

神鳳膺張

寂區環極

道祕奇常

道言此諸天中大梵隱語無量之音舊文字皆廣長一丈刻書大帝金宮扶桑青林玉葉雙幹之上上禳天災下禳地禍中安民物神風振之洞神發音氣徧九有和合萬靈使災害不干萬真降庭天真皇人昔書其文以爲正音有知其音能齋而誦之者諸天皆遣洞神禳災萬福神王下觀其身書其功勤上奏諸天萬神朝禮地祇侍門大勳魔王保舉上真道備尅得遊行三

界昇入金門此音無所不辟無所不禳無所不度無所不成天
眞自然之音也故誦之致飛天下觀上帝遙唱萬神朝禮三界
侍軒羣祇束首鬼精自亡琳琅振響十方肅清河海靜默山嶽
吞烟萬靈振伏招集羣仙天無氛穢地無祲塵冥慧洞清大量
玄玄也

道藏輯要

度人妙經

卷一 九集二